

Penduduk berbuka dalam banjir kilat di Pulau Pinang

Bernama | Mei 13, 2020 06:07 MYT



Hujan lebat bermula 6 petang hingga 7.15 malam itu juga menyebabkan beberapa jalan ditutup kepada lalu lintas kerana ditenggelami air.

"Kawasan yang terlibat banjir kilat ialah Jalan Van Praagh, Lintang P. Ramlee, Jalan P. Ramlee, Kampung Masjid, Jalan Kebun Lama, Kampung Makam, Astaka Stadium dan Jalan Makloom," katanya di sini malam tadi.

Katanya kebanyakan kawasan terbabit dinaiki air setinggi 0.1 meter hingga 0.5 meter, namun tiada penduduk dipindahkan berikutan keadaan air semakin surut setakat 9 malam tadi.

"Pihak kami masih memantau keadaan di kawasan banjir bagi memastikan semua dalam keadaan baik dan jika ada mangsa yang memerlukan bantuan boleh menghubungi Jabatan Kebajikan Masyarakat atau pejabat saya," katanya.

Seorang penduduk, Hasmah Sahibu, 58, berkata rumahnya ditenggelami air sedalam 0.5 meter ketika mereka sekeluarga sedang bersiap untuk berbuka puasa.

"Dalam dua minggu lepas, rumah saya telah mengalami banjir kilat, ini sekali lagi dan hari ini kami terpaksa berbuka puasa dalam air banjir.

"Nasib baik semua barang elektrik seperti peti ais dan mesin basuh telah letak tinggi sedikit sebab dah faham kalau musim hujan lebat kawasan sini memang akan dinaiki air," katanya yang tinggal di Jalan P. Ramlee.

-- BERNAMA